



# Միքայել Նալբանդյան

## Հիշենք

Հայկ ու Տիգրանին հիշենք միշտ, եղբարք,  
Թափենք նոցանից հնության փոշին .  
Նորանց հիշելով արդյոք մի նոր կյանք  
Առնու Հայաստան նոցա խեղճ այրին:

Կեցցե՛ հավիտյան այրին Հայաստան,  
Նա՛ որ իր որդոց դեռ սրտի խորքում  
Չունի հաստատուն մի ոտքի կայան,  
Ու որդիքն պանդո՛ւխտ, իրենց բո՛ւն երկրում

Եղբա՛րք, բանը չէ անշոշափելի,  
Միայն թե կամավ չկարծենք ցնորք .  
Վաղո՛ւց մարմնացել ու տեսանելի  
Գարձել է Հայոց լուծը անողոր:

Մեր հույսը սակայն մեր վրա լինի .  
Այսինքն ազգի մեր ընդհանրության .  
Աղբատ ու հարուստ տված թև թևի՛  
Այսպես թե միայն կա ճար փրկության:

Կեցցե՛ Հայաստան, որ երազական  
Եղել է այսօր իրոք և խոսքով,  
Ոչինչ ավելի հնախոսական

Քան թե անխորհուրդ անուն դառնալով:

Ազատության իդձ շրթունքի վրա  
Մի քանի մարդոց տեսնում ենք, այո՛,  
Ովքե՞ր են դոքա, ո՞չ երդվյալ ծառա,  
Որ օտար լուծին մնան միշտ հլու:

«Կը փշրե շղթան . . . կերթա Հայաստան» .  
Հա՛, հա, հա՛, այդ էր պակաս մնացել,  
Որ նախանձահույց դառնա հայության  
Կատարելապես, բայց հետո ի՞նչ էլ:

«Կասե, եկել եմ, մայր իմ հարազատ,  
Գիրկդ բաց որդուդ քո չվառական .  
Համբուրում եմ քո փոշին անարատ . . . »  
Հետո՞, մի ամբողջ գայլի շարական:

Հարավ հյուսիսից փոշի բարձրացավ . . .  
Շառաշյուն գենքի . . . մթնեցավ օրը,  
Ղազազ, սարբազի գլուխն երևեցավ,  
Մեր ազգասերը մտավ ծակուղը:

«Հը՛, Հայաստանը՛» թո՛ղ տեղը կենա,  
Ասում է գգույշ մեր ազգասերը .  
«Բահ ու հրացան, ի՞նչ եղան նոքա,  
Թե՞ քշում էիր դու ուրջուները . . . »

Ես այդ ամենը անում եմ բերնով,  
Կեցցե՛ սուրբ Մեսրոպ, որ մեզ գիր տվեց .  
Հողեր եմ վարում հեռուից՝ խոսքով .  
Հրացան իմ պեսը կուրծքին ե՞րբ սեղմեց . . .

Է՛լ Հայկ, Տիգրանին հիշենք մենք, եղբարք,

Նորոգենք նոցա փառքը սուրբ անվան,  
Գուցե այս կերպով մի ստույգ նոր կյանք  
Առնու խեղճ, այրի, մայրն Հայաստան: